



Биз яратаётган янги Ўзбекистоннинг мафкуриси эзгулик, одамийлик, гуманизм ғояси бўлади. Мафкура деганда, аввало, фикр тарбиясини, миллий ва умуминсоний қадриятлар тарбиясини тушунамиз. Улар халқимизнинг неча минг йиллик ҳаётий тушунча ва қадриятларига асосланган.

Шавкат МИРЗИЕЁВ, Ўзбекистон Республикаси Президенти

МУНОСАБАТ

МАЪНАВИЯТ — ЯНГИ УЙҒОНИШ САРИ ЙЎЛ



Аҳмаджон МЕЛИБОЕВ, "Жаҳон адабиёти" журнали бош муҳаррири

Давлатимиз раҳбери томонидан маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалалари бўйича ўтказилган видеоселектор йиғилишида бугунги таҳликали даврда ёшларнинг маънавий тарбиясига эътибор ва масъулият масалалари бўйича зиёлилар олдига аниқ вазифалар қўйилди.

Халқимиз асрлар давомида дунё тамаддуни ривожига муносиб ҳисса қўшган комил фарзандлари, уларнинг илмий-маънавий мероси билан ҳам бошқа халқлар орасида



хурмат-эътиборга сазовор бўлиб келган. Шарқона таълим-тарбияда орномус, одоб-ахлоқ, сабр-қаноат, бағрикенглик, илм-маърифатга интилиш, ўзидан яхши ном, яхши амаллар қолдириш каби фазилатлар бундан минг йиллар аввал ҳам бугунгидек муҳим аҳамият касб этган.

Қалблари илм-маърифат нуридан мунаввар бўлган кишилар ғайрияхлоқий хатти-ҳаракатлардан тийилиб, кибрга, хою ҳавасга берилмай, белларига камтаринлик белбоғини боғлаб яшаган. Улуғ алломаларимизнинг бизларга қолдирган маънавий меросида бу борада кўп ҳикматли ҳикоятлар бор.

Саховатпешалик, бағрикенглик, савобли хайрия ишлари, ҳар қандай ҳолатда ҳам маънавий комилликка интилиш, фарзандларни имон-эътиқодли қилиб тарбиялаш халқимизнинг қон-қонига сингиб кетган.

➤ Давоми 3-бетда

"ЯНГИ ЎЗБЕКИСТОН" УЧУН МАХСУС

БРИТАНИЯ ПАРЛАМЕНТИ АЪЗОЛАРИ ЎЗБЕКИСТОН ПРЕЗИДЕНТИНИНГ ОЛИЙ МАЖЛИСГА МУРОЖААТНОМАСИ БИЛАН ТАНИШДИ

Ўзбекистоннинг Лондондаги элчихонасида Буюк Британия парламенти вакиллари учун Президент Шавкат Мирзиёевнинг Олий Мажлисга Мурожаатномасининг мазмун-моҳияти тўғрисида брифинг ўтказилди.

Онлайн тадбирда Ўзбекистон бўйича умумпартиявий парламент гуруҳи (АППГ) ва Парламентлараро Иттифоқдаги Британия гуруҳи аъзолари, хусусан, АППГ раиси Эндрю Бриджен, Жамоатлар палатаси депутаты Мартин Виккерс, Лордлар палатаси аъзолари лорд Боунесс, лорд Лилли, лорд Логан, лорд Вейверли, лорд Балф, баронесса Стерн, баронесса Сатти ва бошқалар иштирок этди.

Ўзбекистон Республикасининг Буюк Британия ва Шимолий Ирландия Бирлашган Қироллигидаги фавқулдда ва мухтор элчиси Саид Рустамов Буюк Британия қонун чиқарувчиларига Ўзбекистоннинг ўтган йили эришган ютуқлари ва давлатимиз раҳбари Мурожаатномасида келгуси йилларда республикани ривожлантириш бўйича белгиланган устувор вазифалар тўғрисида батафсил маълумот берди. Мамлакатимизда коронавирус пандемиясига қарши курашиш ва глобал инқироз шароитида миллий иқтисодиётни қўллаб-қувватлаш бўйича қўриқилган чора-тадбирлар алоҳида қайд этилди.

Аҳоли саломатлиги ва ижтимоий-иқтисодий фаровонлигини таъминлаш, инсон капиталини ривожлантириш, шунингдек, иқтисодиётда таркибий ислохотларни амалга ошириш соҳасидаги ҳуқуқнинг асосий вазифалари таъкидланди. Шунингдек, мамлакат таълим сисётининг устувор йўналишлари, хусусан, қўшни давлатлар билан яхши ўзаралик муносабатларини янада мустаҳкамлашга оид масалалар баён қилинди.



Ўзбекистон Президентининг Мурожаатномасида мамлакатимиз ҳар томонлама ҳамкорликни фаоллаштириш ниятида бўлган ташқи сиёсий шериклар қаторида Буюк Британиянинг борлигига алоҳида эътибор қаратилган. Британиялик парламентарийлар Президент Шавкат Мирзиёев Мурожаатномасида белгиланган вазифалар қўламини таъкидлаб, ўтган йилги жиддий синовларга қарамай, Ўзбекистоннинг ислохотлар йўналишини давом эттиришга содиқлигини юқори баҳолади.

Буюк Британия парламенти ҳам, ҳуқуқматли ҳам ислохотлар дастурини муваффақиятли амалга оширишида Ўзбекистонга ҳар томонлама ёрдам беришни давом эттиришга тайёрглигини билдирди.

Лондон

"Дунё" АА

ХАЛҚАРО ҲАМКОРЛИК

МИНТАҚА ДАВЛАТЛАРИ ЎРТАСИДАГИ МУНОСАБАТЛАР ТУБ БУРИЛИШ КАСБ ЭТМОҚДА



Абдуғаффор ҚИРҒИЗБОЕВ, тарих фанлари доктори, профессор

Президентимизнинг Олий Мажлисга Мурожаатномасида 2021 йилда мамлакатимиз ташқи сиёсатини амалга оширишда Марказий Осиё давлатлари билан устуворлик давом эттирилиши маълум қилинди. Бу давлатимиз олиб бораётган очиқ, прагматик ва амалий ташқи сиёсатни инобатга олиб ҳамда узоқ муддатли стратегик мақсадларимиздан келиб чиққан ҳолда, Ташқи сиёсий фаолият концепциясининг такомиллаштирилишини аниқлатади. Халқаро таърифа ҳам, энг аввало, ўз минтақасидаги қўшнилари билан дўстона ва самимий муносабатлар ўрната олмаган мамлакат яқкаланиб қолишини кўрсатади.

➤ Давоми 4-бетда

МИЛЛИЙ АРМИЯ — ИФТИХОРИМИЗ

ЁШЛАР — ВАТАННИНГ БЎЛҒУСИ ҚАҲРАМОНЛАРИ



Иброҳим АБДУРАҲМОҶОВ, инновацион ривожланиш вазири, академик

Ўтган йили барчамиз бошимиздан кечирган мураккаб паллаларда мамлакатимиз ҳарбий хизматчилари матонати, шижоати ҳамда ватанпарварлиги билан шифокорлардан асло кам хизмат қилгани йўқ. Давлатимиз раҳбари Ўзбекистон Республикаси Қуролли Кучлари ташкил этилганининг 29 йиллиги ва Ватан Ҳимоячилари куни муносабати билан йўллаган байрам табриғида ҳам "Ана шундай ғоят кескин шароитда Қуролли Кучларимиз Соҳибқирон Амир Темуэр бобомизнинг "Миллатнинг дардига дармон бўлмоқ — чин вазифангиздур", деган эзгу даъватини ўзига шиор қилиб олди", дея юрт ўғлонларининг матонатига юксак баҳо берди.



Халқимиз йўлдошларимиз сурат

Ўзбекистон Республикасини 2017–2021 йилларда янада ривожлантириш бўйича Ҳаракатлар стратегияси асосида мамлакатимиз ҳаётининг бошқа жабҳалари қатори ҳарбий соҳанинг ҳам энг муҳим йўналишлари бўйича замон талабларига мос қарорлар қабул қилинди. Амалга оширилган тизимли ва комплекс чора-тадбирлар натижасида қисқа давр ичида миллий армиямизнинг жанговар шайлиги ва умуман, мамлакатнинг мудофаа қобилияти ошди.

Ватан Ҳимоячилари куни арафасида Қуролли Кучлар академиясига ташири асосида ўтказилган йилги давлатимиз раҳбари Қуролли Кучларни ривожлантириш ва мамлакатимиз мудофаа қобилиятини янада мустаҳкамлаш ҳамда бу борада замонавий ахборот-коммуникация технологиялари ва илғор инновацияларни кенг татбиқ этиш масалаларига алоҳида тўхталиди.

Жумладан, барча даражадаги кўмондонлик ва бошқарув органлари

фаолиятини такомиллаштириш, қўшинларда автоматлаштирилган бошқарув воситалари ва комплекслари жорий қилиш орқали уларнинг ҳамкорликдаги оператив ва жанговар тайёргарлик даражасини ошириш, шунингдек, ахборот ва киберхавфсизликни таъминлаш истиқболдаги долзарб вазифалардан бўлиб қолишини таъкидлади.

Бундан тахминан бир йил аввал Ўзбекистон Республикаси Мудофаа вазири хамда Инновацион ривожланиш вазирилик томонидан Ахборот-коммуникация технологиялари ва алоқа ҳарбий институти негизида ҳарбий соҳа учун инновацион ғоялар ишлаш ва технологияларни амалга ошириш дастури тасдиқланган. Мазкур дастур доирасида қатор ишлар бажарилаётган. Утган йили махсус йўналишда 4,3 миллиард сумлик учта илмий тадқиқот ишига киришилди. Мазкур йўналишдаги илмий ишларга ажратилган маблағ 2019 йилдагига қараганда, ўн бир баравар кўплиги диққатга сазовор.

Мудофаа вазирилик Ахборот-коммуникация технологиялари ва алоқа ҳарбий институтининг илгари чанқоқ бир гуруҳ талабалари Инновацион ривожланиш вазирилик хузуридаги Ёшлар академияси аъзосидир. Айни пайтда юртимизнинг бўлғуси посбонлари вазириликнинг муносиб кадрларини тайёрлаш учун ташкил этилган танлов ва кўргазмаларда фаол иштирок этмоқда. Ёшлар академияси томонидан 2020 йил 1–15 декабрь кунлари ташкил этилган "TechnoWays" технология ривожланиш марафонига Ахборот-коммуникация технологиялари ва алоқа ҳарбий институтининг беш нафар иктидорли талабаси ўз лойиҳалари билан қатнашди. Марафоннинг якуний босқичида ҳарбий институти талабаси Ойбек Деҳқоновнинг тиббий маълумотларни аниқлаш ускунаси 30 миллион сум миқдордаги мукофот билан рағбатлантирилди.

➤ Давоми 5-бетда

